

دولت مأمورلارینین کندلرده یار اتدیقلاری فجایعی افشاء نتمک ایچون آذربایجان دموکرات فرقه سینین آذربایجاندا دموکرات دولترین دیپلوماسی مأمورلارینا و ایران صلاحیت دار مقاماتینا گؤندر دیگی آچیق مکتوب

دولت مأمورلارینین آذربایجاندا گؤندن- گونه آرتماقدا اولان وحشیانه فاجعه لری و بیچاره لرین شکایتلرینه صلاحیتلی مقاماتین توجه نتمه مه سی آذربایجان دموکرات فرقه سینین مرکزی کمیته سینیی آذربایجاندا اولان دموکرات دولترین سیاسی نماینده لرینی خلقیمیزین فجع و اورک یاندیرجی وضعیتندن مطلع نتمه گه، بو وسیله ایله خلقین دلسوز فریاد و ناله سینیی متمدن دنیانین قولاغینا، هانسی که، ظلم و وحشیلیگی کؤکوندن قازماق ایچون فداکارلیق و جانبازلیقلار نتمیشلر، ینتیرمگه وادار نندی.

بؤیوک دولترین باش قونسول و ویس قونسوللارینیی مملکتیمیزده یاندیریلان اود و آلودان مستحضر نتمک ایچون آذربایجان دموکرات فرقه سی الینده اولان بیر چوخ اسناد و مدارکدن بیر نچه سینیی گؤستر مک ایستیر. آذربایجان دموکرات فرقه سی چاره سیز اولاراق بو تأسف آور اقدامی ندیر اوندان نوتری که، حکومت هنج وقت نوز متجاوز مأمورلارینین اجحافاتیندان جلوگیرلیک نتمگه حاضر اولمور. برعکس هر گون اونون شدتینی آرتیریر. ایندی باش وئر ن فجایع گؤستریر که، بو وسیله ایله آذربایجان خلقینی آرادان آپارماق، یا اونو اورتا عصرلرده اولان قوللار

کیمی ساخلاماق ایستیرلر. دوداق کسمک، داغ قویماق قارین بیرتماق و بو فجایع ایله قتل و غارت نتمگین اورتا عصرلرده بئله آز سابقه سی واردیر.

آقالار! سیز متمدن دنیائین نماینده لری و دموکرات خلقلرینین گؤندرمه لری بو قضایائین شاهی اولون و انتظاریمیز بودور که، آذربایجانین مظلوم ملتینین سسینی دموکراسی دنیائین آزاد مطبوعاتیندا انتشار و نرسینلر.

تهرانین مرکزی حکومتی آسیائی (دیسپوتیزم)ین ان شدید نوعینه ادامه و نرملده دیر. بیزیم روزنامه لریمیزین که، بیزیم ناله و فریادلاریمیزی انعکاس نئدیره ندیر، آیری شهرلرده اولان هموطنلریمیزین الینه ینتیشمه سینه مانع اولور. بیزیم نامه و تلگرافلاریمیزین تهران روزنامه لرینده چاپ اولماسینی قدغن ندیرلر.

اگر بیر نفر بو مظلوم و ستمیده لرین بیر نچه نفریله صحبت ندیب و بونلارین حقیقده عمله گلن فاجعه لرین یوزده بیریندن مطلع اولسا حتماً متأثر اولوب شکسیر نوز دموکرات ملتینه ینتیره چکدیر که، هله ده دنیادا نله بیر دولت واردیر که، اونون مأمورلاری مملکتین قانونلارینی آیاق آلتینا آلیب و نوز ملتیه، دنیادا اولان بوتون انسانیت قانونلارینین خلافینا اولراق، رفتار ندیر و اورادا قانون، محکمه، مدعی العموم بیر اووج مستبد خودسر و استفاده چی اشخاصین الینده آلتدیر. ایرانین ایندیکی وضعیتینی دنیا دموکراسیسینا عار دیر. قوی دنیا بیلسین و بیر عده مظلوملارا که، چاره سیزلیکدن اونلارا نوز مظلومیتلرین اظهار ندیرلر، جواب و نرسین.

بودور بیر قسمت دولت مأمورلارینین کندلرده یاراتدیغی فجایع و اونلارین قانونسوز لوقلاری و ظلملری حقیقده عدلیه و سایر صلاحیتدار اداره لره یازیلان شکایتلردن که، حقیقته خرواردان بیر اووج دور و ایندییه قدر بونلارا ترتیب اثر و نریلمه ییبدیر:

۱- ۱۳۲۴/۷/۹ ده هشتروده محالینین "عجمی" کندینده مالک محمد صادق خان مجتهدی و مباشر عبدالحسین ساسانی بیر عده مسلح ژاندارملا کندلیله

حملة ندیر. ژاندارملاردان بیرى ذوالفعلى آدیندا بیر کندلینی قولوندان یارالاییر و حسن آقا، غلام، فتحعلی و مشهدی عباداله آدلی دورد کندلینی گناهسیز یئرله گوله ایله وورور و بنش نفر کندلینی آغیر صورته یارالاییرلار. بنله که، ایندی ده یاتاقدا دیرلار. بونولا برابر قاتلر هله ده تعقیب اولونما میشلر دیر. لاکن گناهسیز کندلیردن بیر نچه نفر توتولوب حبس ندیلمیشلر.

- ۲- کاغذ کنان محالیندا "قوشا بولاق" و "یام بولاق" کندلرینده ۱۳۲۴/۷/۷ محرم و قنبر آدلی ایکی نفر کندلی اصلان همایون و استوار ابراهیمین الیله آزادیخواه لیق جرمیله قتله ینتیشمیشلر و ژاندارملارین مسلحانه حملة سی نتیجه سینده کندلیر نوز عائله لری ایله چوللره قاچیرلار.
- ۳- سرابین شربیان کندینده بیر عده ژاندارم، گروهبان "مقدسین" باشچیلیغیله، کندلیرین نوینی و اموالینی غارت و نوزلرینی دوگوب حبس ندیرلر. بیر کندلی نولور و نچه آرواد اوشاق سقط اولور.
- ۴- تیکمه داشدا ژاندارملار آزادیخواهلارین نولرینی غارت ندیرلر و ایکی نفره قدر کندلیر نوز آرواد و اوشاقلاریله چوللره قاچیرلار.
- ۵- "اممند" کندینده ایگیری ایکی نفر ژاندارم سروان "دیبا"نین باشچیلیغیله کندلیرین مال و جاتلارینا تجاوز ندیرلر که، یوز الی نفر کندلی اونلارین ظلموندن دلی کیمی قاچاراق نوز نجاتلاری ایچون تبریزده آذربایجان دموکرات فرقه سینا پناهنده اولورلار.
- ۶- سلطان آباد کندینده حسن ژاندارم و علی آدلی بیرسی بیر نفر آروادی تفنگ قونداغی ایله اوقدر دوگورلر که، اونو نولوم حالینا سالیملار و همان آروادین ایکی یاشلی اوشاغی تفنگ قونداغی ضربه سی آلتیندا نولور.
- ۷- "گل تپه" کندینده سروان عابدینی بیر بویوک عده ژاندارملار آزادیخواهلاری آغاچا باغلایب و اونلارین قباغا گلنلرینی حبس ندیب و

"مرداقیم" کندینده مرتجع خانلار ژاندارملارلا بیرلیکده بوتون آزادیخواه‌لارین نولرینه حمله ندیرلر. اونلارین ماللارینی و اثاثیه لرینی غارت نئدیکن سونرا اونلارین باشینا او قدر شکنجه لر گتیریلر که، بیر بویوک عده کندیلردن چول و منشه لره قاچماغا مجبور اولورلار. ژاندارملارین ضربه لری نتیجه سینده اهالیدن ۳۶ نفر آغیر یارالانیر که، ایندی ده یاتاق‌دا دیرلار. بودور ژاندارملارین و بعضی محلی مرتجع‌لرین یاراتدیقلاری فجایعدن نمونه لر. عدلیه یه و سایر قانونی مرجع‌لره اولونان شکایت و اعلام جرم‌لرین سایبی بوگونه قدر یوزو کنچمیشدیر.

بوتون بو کیمی موقع‌لرده مسنول مقاماتدان مرتکب‌لری قانون اساسی حدودوندا و جزائی محکمه لرین اصولیه تعقیب نتمک، ژاندارم مأمورلارینین، غیرقانونی اولاراق، حقوقی ایشلره مداخله نتمه سیندن جلوگیرلیک اولونماسی تقاضا اولونموشدور. (قضائی قوه نین اجرائی قوه دن آیری اولدوغو عدلیه نین ۳۵۳۶ نمره و ۱۳۲۴/۵/۱۱ تاریخی ژاندارم اداره سینه یازدیغی بخشنامه موجبنجه ژاندارم اداره سینین حقوقی ایشلره مداخله نتمه مه سی تقاضا اولونموشدور. چونکه او اداره نین مأمورلاری خلقین آسایشینی تأمین نتمک عرضینه خلقین قتل و غارت ندیلمه سینین و آسایشین پوزولماسینین سببی اولموشلار.)

(آذربایجان دموکرات فرقه سینین مرکزی کمیته سینین اجتماعی ایشلر شعبه سی)
("آذربایجان". شماره ۵۶. آبان ۲۵. نوامبر ۱۶)

بو جنایتلری یارادان تهران بارماغی ایسه خلقی، مخصوصاً کندلینی، تنگه گتیریر و اونو قاتلی و شدید مبارزه یه وادار ندیر. یئری گل‌میشکن بونودا قید نتمک لازم‌دیر که، فرقه ۳۰ مهردن ۲۰ آذره قدر همیشه کندیلیری سکوته دعوت نده رک آزادلیغین صلح یولیه الده ندیلمه سینی لازم گورموشدور. تهران بارماغی نوز

جنایتینده او قدر اصرار و سماجت گؤستریمیش که، بالاخره فرقه کندلیلره "نوزو نوزو دفاع ندین" فرماتینی و نرمگه مجبور اولموشدور. بو فرماتین نتیجه سینده فدائی دسته لری میدانا چیخمیشدیر.

کتاب منبع سی: شهریورین اون ایکی سی

۱۳۲۴ - ۱۳۲۵

آذربایجان دموکرات فرقه سینین بیرنجی ایل دونومی مناسبتیله

مرکزی تبلیغات شعبه سینین نشریه سی

تبریز ۱۳۲۵

تایپ الیین: یاشار آذری

کتابخانانین اینترنت آدرسه: <http://www.javaan.net/nashr.htm>

پست آدرسه: BM IWSN, London WC1N ۳XX, UK

ایمل آدرسه: yasharazarri@yahoo.com

نشر کارگری سوسیالیستی نین مسنوله: یاشار آذری

تایپ الیین تاریخ: ۱۳۸۵